

II - ARABAKO LURRALDE HISTORIKOAREN TOKI ADMINISTRAZIOA

ARRATZUA-UBARRUNDIAKO UDALA

Eraikinen Ikuskapen Teknikoa (EIT) egiteko dirulaguntzen 2025eko deialdiaren laburpena

BDNS (Identif.): 815595.

Bat etorri Dirulaguntzei buruzko azaroaren 17ko 38/2003 Lege Orokorrak 17.3.b eta 20.8.a artikuluetan jasotakoarekin, deialdiaren laburpena argitaratzen da. Deialdiaren testu osoa Dirulaguntzen Datu Base Nazionalean dago ikusgai: (<https://www.infosubvenciones.es/bdnstrans/GE/es/-convocatoria/815595>).

Eraikinen Ikuskapen Teknikoa (EIT) egiteko dirulaguntzen deialdiaren laburpena.

Alkatearen 2025eko otsailaren 17ko ebazpena, zeinaren bidez onesten baita eraikinen ikuskapen tekniko (EIT) egiteko norgehiagoka prozedura bidezko 2025eko dirulaguntzen deialdia.

Dirulaguntzen azaroaren 17ko 38/2003 Lege Orokorrak 17.3.b eta 20.8.a artikuluetan xedatutakoarekin bat etorri, deialdiaren laburpena argitaratzen da. Deialdiaren testu osoa Dirulaguntzen Datu Base Nazionalean dago ikusgai: (www.infosubvenciones.es).

Lehenengoa.- Onuradunak

Oinarri hauetan jasotako dirulaguntzaren onuradunak honako hauek izango dira: bizitegi erabilera duten eraikinen jabeak edo gozamedunak diren pertsona fisikoak edo erkidegoak, baldin eta eraikinek berrogeita hamar urtetik gora badituzte edo katalogazio edo babes motaren bat badute, eta eraikinen ikuskapen tekniko egin ostean dirulaguntzen eskaera egiten badute.

Eskatzaileen betekizunak:

Pertsona fisikoaren kasuan: Arratzua-Ubarrundiako udalerrian erroldatuta egon behar dute deialdiko urtearen aurreko urtarrilaren 1etik, eta han erroldatuta jarraitu beharko dute deialdia ebazten den arte.

Pertsona juridikoaren kasuan: Arratzua-Ubarrundiako udalerrian izan behar dute zerga egoitza, deialdiko urtearen aurreko urtarrilaren 1etik, eta hala jarraitu beharko dute deialdia ebazten den arte.

Udalarekiko zerga betebeharren ordainketa egunean edukitzea eta harekin inongo zorrik ez izatea dagokion deialdia behin betiko ebatzi arte.

Bigarrena.- Xedea

Oinarri hauen xedea da udalerriko eraikinen ikuskapen teknikoari (EIT) buruzko txostenaren kostua zati batean ordaintzeko Arratzua-Ubarrundiako Udalak bere eskumenen barruan ematen dituen dirulaguntzen prozedura arautzea eta sustatzea.

Hirugarrena.- Oinarri arautzaileak

Eraikinen ikuskapen tekniko (EIT) egiteko dirulaguntza hauek emateko oinarri arautzaileak udalbatzaren 2020ko urriaren 26ko bilkuran aldatu eta urtarrilaren 8ko 2/2021 ALHAOn argitaratu ziren.

Laugarrena.- Diruz lagundu daitezkeen gastuak

Diruz lagundu daitezke EIT egitearen ondorioz 2024ko azaroaren 14tik 2025eko azaroaren 14ra bitartean izandako gastuak (deialdia egiteko garaian indarrean dagoen araudian ezartzen diren baldintzak bete beharko ditu ikuskatze horrek), baldin eta haietarako ez bada dirulaguntzarik eskatu lehenago.

Bosgarrena.- Laguntzaren zenbatekoa

Dirulaguntza egindako jardueraren aurrekontuaren ehuneko 50era artekoa izango da; familia bakarreko etxeen edo etxebizitza atxikiaren kasuan, gehienez ere 150,00 eurokoa, eta jabe erki-degoen kasuan, gehienez ere, 200,00 eurokoa.

Gehieneko muga ez da aplikatuko dagozkion adjudikazioak egin ondoren aurrekontu partida agortzen ez bada. Kasu horretan, geratzen den kopurua modu proportzionalan banatuko da baldintza guztiak betetzen dituzten eskaeren artean, baina ezingo da gainditu egindako gastuaren ehuneko 90.

Aitzitik, esleitutako kreditua ez bada nahikoa aurkeztutako eskaera guztiei erantzuteko, dirulaguntzaren zenbatekoa proportzionalki murriztuko da guztiei erantzun ahal izateko.

Seigarrena.- Eskaerak aurkezteko epea

Eskaerak oinarrien eranskinean ageri den eredian egin behar dira, eta oinarrietan jasotako dokumentazioa ere aurkeztu beharko da, eta aurkezteko epea 2025eko azaroaren 15ean bukatuko da.

Zazpigarrena.- Eskaerari erantsi beharreko agiriak

Normalizatutako dirulaguntza eskaera, behar bezala beteta, l. eranskineko ereduaren arabera.

Eraikinen ikuskapen teknikoa egin duen enpresak emandako fakturaren kopia eta hori ordaindu izanaren ziurtagiria.

Eraikinen ikuskapen teknikoaren txostena udal bulegoetan entregatu behar da, berandue-
nez eskaera egiteko unean. Indarrean dagoen araudiaren arabera egina izan behar du txosten horrek.

Diru sarrera egitea nahi den kontuaren erakundea eta IBANa, eta titularra, dirulaguntzaren onuraduna ez bada.

Dura, 2025eko otsailaren 17a

Alkatea

M^a BLANCA ANTÉPARA URIBE